

爰居閣詩

思亮敬著



溫州府圖書館

爰居閣詩卷六

古今體詩一百四首

長樂梁鴻志



蒯若木屬題其故妻龔圓常寫經現瑞圖

已下庚午

蒯君儒家流胸不一塵雜逃禪弄狡獪薰染及閨閣細
君真法喜妙悟證迦葉世緣昔未滿佛地已能接寫經
出腕血持偈據禪榻金光忽示現非夢亦非魘家人走
相告頂禮到僕妾豈知理則然未用疑且懾色空皆假
設真妄無二法從來趙州牛不異莊生蝶寫經泥文字
畫象爭毫頰紛紛執著觀寧與真諦合經雖出寸管佛

久在雙睫本來無隱現世眼自不眨當時寫經人變滅
餘新塔靈光化華鬢濁世猶棄屨余衰久捐書萬事等
嚼蠟皺面匪自今霜鬢已難鑷圍爐燒木佛所見異凡
衲丹霞禪師事因詩喻蒯君饒舌非口業

曹靖陶贈詩賦答

吟人今數曹紅豆誰分登壇尙少年詩已早工真老手
我無能事亦華顛林慚澗愧非吾願紅袖烏絲覺汝賢
一剪淞波隔煙水虞山何日訪松圓來詩以用世見期
故答以第五句

春寒

海澨春寒未見花佳辰易逝意無涯過帆自狎千層浪

溫如

晚樹微烘一角霞老去齏鹽殊有味亂餘洲渚卽吾家
去年縛得茅亭在卻爲尋詩不煮茶

三月二十一日雨中園櫻始開

花事今年故作難深居渾未識春殘當窗山與雲陰合
擁褐人如水氣寒牆角數花初盼倩風前萬念雜悲歡
閒門冷艷誰能賞要及芳時日倚闌

天津晤王逸塘見和前詩賦答兼送章行嚴之瀋

陽

抱薪救火吾何取斂手推枰局已殘天氣乍晴還乍雨
世情輕煖間輕寒吟人罷鎮詩逾勁國士投荒酒不歡

一笑雞蟲何得失亂彈聲裏且憑闌

逸塘行嚴同
觀劇市樓

題濬易圖爲若定廬作

北人昧水利河渠化培塿九河半就堙易水涸亦久使
君鍤在頭健兒鍤在手棄鍤躬荷鍤此意已不朽載舟
與覆舟問水水何有君歸水益涸近更防民口

再題其西陵八景

大夫不解登高賦兵衛空凝燕寢香多事陳侯標八景
盡驅形勝入篇章

一官傳舍馬虺隤便把山川簿錄來能爲諸陵捍樵牧
故應遺愛有高臺

溫如

四月二十三日 至北京

避世何心著辨亡
修門重入百迴腸
迷途誰信冥行遠
飲藥眞憐衆穉狂
遼鶴暫歸無所止
鄭蛇頻鬪是何祥
愚民移國憑公等
自昔泥犁有道場

冒鶴亭黃哲維訪余昆明湖館舍鶴亭有詩次答
別後郵書闕嗣音
郊行相就見君心
車塵定亂楊柳影
茗坐如遊蒼葛林
換世宮花濺殘淚
載愁湖舸閣輕陰
閒坊更約明朝醉
未信人間有陸沈

故宮看太平花
同冒鶴亭曹纓蘅李釋戡

亂餘豺虎滿京華
誰錫佳名負此花
曩歲太平成夢憶

非時芳潔漫矜夸相從响沫哀三子何日車書共一家
頭白劍南空雪涕故宮寥落賸棲鴉

陸放翁太平花詩有頭白車書未一

家句

袁抱存索詩卻贈

廿年結契袁公子流轉江湖鬢未皤鬢字得錢邀我醉
填詞傳恨任人歌世兒白眼神逾王岐路青衫淚更多
茗話寒廬類開寶液池東畔怕經過

抱存有寒廬茗話圖余曾題句

題所藏王阮亭手書詩稿

尙書霜鬢休官後司理紅橋禊集初五十年中惟愛好
世間結習故難除

詩稿前後計十四首阮亭二十七歲初任揚州司理時及七十五歲里居

溫如

兒時能熟帶經堂晚覺醫詩別有方數紙叢殘自球壁
莫論香象與羚羊

范蠡

范蠡貪功未見幾平吳纔解逐鴟夷若教早悟弓藏理
何待寥天鳥盡時

賈誼

漢家約法異科條篝火狐鳴氣自消年少賈生空擾擾
治安無策鬼神驕

竈婦辭

記曾數米辦晨炊尙有癡人責肉糜今日淒涼塵滿甌
踞觚心事更誰知

縛虎吟

馮婦當年縛虎歸羣兒驕蹇寢其皮羣兒漸長輕馮婦
又是於菟遍地時

和李次貢

渡海何用歸溟渤此窮陸居夷竟實踐義取身不辱故
京久禾黍何地容我足暫來尋舊夢未許塵事觸西郊
翠微徑餉客雨餘綠能分朝爽氣滌我海雲毒白香山詩秋瘴
海雲君詩如山色一見悅心目豈惟窮益工直以歌代

溫如

哭折腰爲將母負米見高躅滔滔子亦厭我行寧待速
海壖吾所廬遲子來信宿說詩更逃暑良會期可續

雜詩八首

園櫻花正繁遊子去已遠老藤開更落不待行人返林
陰可憐碧草色無人管歸歟誰與歸吾歸恨微晚一樓
俛衆綠萬象入孤館看天如有會意與雲俱懶

距海一雞鳴突兀數椽屋道人眠食地荒蹊雜喬木深
宵寂羣籟潮音耳能熟而我更讀書與之相往復書聲
夜達旦世事陵移谷偕亡豈吾憤臨水待沈陸

平生薄田舍投老餘一樓樓窗納渤海欹枕看行舟栽

花養風煙隙地亦少留虬枝驗松臘醉葉知楓秋尋詩
類坐忘窺客下海鷗區區靜中樂未用先人憂

海風生夏寒衣袂添半臂蕭然倚危檻寄我無窮意三
更月出海林影爭委地四山紛動禽一客耿無睡人間
殊熱惱休夏當自恣宵涼豈私我獨享真成愧

濕雲凝不流飛雨晚逾密起看窗西樹杲杲射斜日陰
晴了無據明晦同一律風來雨亦止散亂我書帙人言
西崦好明日吾當出多恐乘雨歸笠屐煩人筆

邦人富花癖空巷來觀櫻歡呼坐芳草醉倒懷長瓶海
浴亦所尙沒水求遵生沙間看駢卧波底還將迎餘生

溫如

厭醕酊薄俗羞裸裎花時掩關坐何限滄浪情

湖船夢明聖泊宅思具區所性本愛水寧繫智與愚三
年海東住不答中原書滄波十萬頃笑我今何迂稽天
有大浸吾道終乘桴獨行念儔侶鷗鷺真吾徒

忘憂得詩力尋樂從兒嬉天游一室內遑問寒與飢客
來說寒暄舍此謝不知忤客豈吾意未老先聾癡交游
滿三輔車馬隨人馳因風寄單語海雲今夏奇

譚篆卿嘗於廠肆得一扇先大夫舊物也作書畫

者九家張聽庵吳窓齋王忍菴王孝禹諸公皆
早卽世存者陳弢庵師一人而已篆卿旣以見

詒賦詩寄謝兼呈毀庵

譚侯手中扇一持誇視坐客稱瓌奇同光諸老盛名德
 九家書畫相參差傳觀到我喜且慟先人舊箠今在茲
 當時父執滿天下嗟我始卅成孤兒已孤卅載復見此
 如發楹語垂涕洟譚侯聞言色為動以扇歸我胡敢辭
 扇中歲月記丁丑景皇初政殊雍熙朝官儒雅競談藝
 氣味彷彿中興時窓齋小筆有遠意吳撫部大激忍菴殿體
 無俗姿王太守仁堪王卽以是年第進士第一華東張叟亦奇士張聽菴兵備樹
 藜外王父林歐齋先生妻弟也能貌竹石摹枯枝自餘諸公盡名宿各
 以妙筆窮天倪通神書法誰瘦硬螺洲能畫沙中錐陳太

溫如

傅寶琛師 藏稜出力不側媚風骨內蘊高宸知豈惟晚節券
忠蓋早從筆勢徵期頤同時弄翰八九輩閱五十稔今
何之天留一老獨住世尙寫細字敲新詩承平故物半
秦火海桑換世尊周遺傷殘家國視此扇什襲韞櫝寧
吾私譚侯索詩久始報紀事遠愧瓊琚詞我家舊德孰
最稔詩成先質螺洲師

雨夜懷哲維北京

海霧團雲作雨零彌天蜃氣晚冥冥幽人獨夜成孤賞
舊侶殊方不共聽想見圍燈驅楮墨可能蠟屐挈巾瓶
一廬塵外容吾放待汝尋詩水次亭

落花和張堅白元韻

詩來百讀九迴腸誰察余情亦信芳
繡被一春驚夜雨畫欄終古伴頽陽
將飛更舞風何力已謝猶開土亦香
莫倚殘枝論近遠十年樓望寸心傷

春歸何事更干卿摩眼看天淚已盈
掩土西施疑小劫墜樓金谷是前生
無端化絮風前柳一例沾泥海外櫻
曲陌斜暉渾見慣懶從客去問飛英

頽垣斷井記重來萬點新愁一徑苔
紅燭昨宵猶照睡綠陰明日已生哀
吹香弄影皆春夢墜溷飄茵總夜臺
輸與霜松長閱世等閒榮謝算詩材

溫如

林陰如墨海雲昏
皺白愁紅只閉門
久坐莫疑安石拗
悲春誰返致堯魂
已空結習終無染
纔着相思便有痕
寄語江關庾開府
眼中芝蓋忍重論

逸塘自北戴河寄詩次答

海角詩來一破顏
樓居疑與列仙班
孤踪自寄蒹蘆外
微命粗全木雁間
急劫滿枰何待算
大弔懸壁不能彎
商量中歲忘憂法
除卻山行卽掩關

游老虎灘之明日次貢將歸自言今年五十矣索

詩賦贈

乘流不浮坻便止
海濼深藏良有以
胸中歷歷故人面

跨海相存獨之子我家萬古鐵色磯磯上危樓吾與爾
虎灘東指最奇絕去我所居三十里出門入市更適野
認取奔車三易軌未臨水次氣已秋但坐車窗山自駛
岡巒迴合屢高下樹石枒杈爭傲詭亂山行盡得一亭
共據亭隅看海水當前好景不解惜苦說詰朝戒行李
求官違己理則那奉母閒居吾亦唯人生最難五十慕
我自銜杯爲君喜一杯寸草報春暉萬事東風吹馬耳
詩篇着手世已驚腰印驕人君所鄙莫嫌粟少轉飢腸
須信車多緣舐痔君今始滿我少二各記生年辛與癸
他年我亦五十時文舉當塗還論齒

溫如

暮歸

入市艱辛類入城暮歸還逐市車行峯回傍水開馳道
地僻因山記驛程漸近吾廬潮送響乍沈殘照海生明
到家索句親燈火報答秋窗一段晴

讀諸貞壯病起樓詩卻寄

江海相望歲五更詩來憐汝得更生一春藥裏安心法
垂老歌辭變徵聲鬢髮久輕南部黨踞爐長笑晉陽兵
二語本貞壯詩意吾儕未死關天意起廢何時見太平

逸塘屢寄關字韻詩次答

巧匠紛紛盡汗顏誰知人境有輪班收身已分逃塵外

縮手休教出袖間名輩算棋成坐隱孱兒拙射每虛彎

腐儒憂世空饒舌何日從君學閉關

逸塘方學禪定

黃哲維四十生日贈之以詩

樂天七年長微之子瞻九年長魯直八年長汝吾忝兄
介在白蘇有慚色君才何止元與黃早歲高名殊劣崩
天公推排不假借昨日聖童今不惑憶初識子光緒末
舊學潛研躬約敕朝衫乍著海已桑玉貌談詩辱相卽
我詩勺水君大瀛鴛鴦何從追驥力世人不察輒並案
強遣齊名疑苟得交期十載世共見如蚯蚓巨負邱印邱鵝比翼
昌奴鈞黨歲在申孤翮翻成六月息

事在庚申六月

我藏復壁

溫如

公飲

君府趨心念逋人眼看賊親朋咫尺斷還往每枉新詩
淚頻拭繁余家破壁亦空賸有頭顱萬金直聞君在官
貧過我未信亡羊由博塞君時始壯氣吐虹我已顛毛
雪中棘庚申以來忽十稔踪迹睽孤互南北相逢歡意
苦未申君輒無言酬以臆今年喜汝貌更腴鬢底霜華
卻如織白頭如新古有誠黃金可盡交難泐旁人錯比
結網蛛名士寧爲過江鯽二語皆十年前同輩以調哲維者我今避世
東海濱萬劫當前餘一默憐君筆舌尙未休強判雌雄
分白黑西山八月霜葉紅照汝醜顏驅醉墨劇憐山海
阻攜手勝日壺觴牽夢憶古人四十始強仕我意勸君

休事國山游循例伴柔奴句法勿忘傳小德

書懷

亂山如夢赴荒碕略與秋人性分宜雜植園花無黨政
細吟松籟有聲詩歡悰更比龜毛少俊語深防麈尾知
阜筴一囊誰料理故書堆裏鬢成絲

貞壯寄詩見懷賦答

窮海成孤寄時時念具區郵詩秋共健知汝病全蘇齋

甕消難盡桑田看更枯六丁憑下取腹筭與枝梧貞壯積書

盡燬於火取
牧齋語慰之

哀章曼仙

溫如

廿載人琴竟兩亡餘春一面敵千觴當時訝汝顏何瘦
未死憐余鬢亦蒼定有真靈關位業了知佛說不荒唐
曼仙瀕死人間相斫君應恨那戀區區石火光

觀歌舞團新劇

跳月歌聲行雨姿審音誰解是哀思百年共有伊川懼
語體文章白話詩

次貢寄示大連雜詩六首次其題爰居閣詩韻寄

答

人生有分定秋氣獨我偏橫身慣風波投老仍海壖憑
闌試送日一碧連長天低頭更挾策所徇殊戔戔山行

乏筍將賓至誰門焉逃虛我所習適館君亦便君歸定
何事對客說大連浹旬爰居閣詩夢長相牽世難真鼎
來儒術終唐捐吾儕等無用且辦食與眠莫憂出無車
莫歎歸無田君詩骨已換時至成飛僊後山詩學詩如
學仙時至骨自
換

題林緯乾深慰帖爲徐石雪作

君藏殿中書我寶博陵卷海隅兩唐蹟光氣壓宇縣殿

中本閩產國器寧鄉彥洪惟我自出九牧分一線余外
家林

氏系出莆
田九牧記觀宣和譜下逮石渠徧觥觥深慰帖往往

夢中見深慰帖始著錄宣和書
譜最近爲石渠隨筆題手親展波磔眼爲

溫如

眩簾紋試乾筆露白類粗絹阮文達所述如此永師此法乳楊

風當避面莫論觚為圓終覺精且鍊宋璽失龍蟠元跋

亦豹變惟餘文休公承周瑕字匹鄭箋毛傳初分星鳳石曾

傍丹邱硯知君夙工書習此益專擅傳觀屏寒具供養

宜甲煎他年訪林亭定以氈蠟先石雪築林亭於通州以度石本

重九日林笠士招游李氏園

去國遂三載登高望中原暫歸作重九雨打兼風翻憂

來君已知導使游李園娛野果何得秋氣蘇我魂荷鏡

已無光柳髮猶未髡霜紅在林際點點戰血痕傷高倚

危閣懷遠攀孤墩秋池澹無語綠淨疑水村煙莎黯將

公 賦

夕風葉時打門
獬犬莫輕吠我佩
非蘭蓀同游類英俊
譬彼初日暎嗟余漸老醜
春夢今不温讀君割席作忠
厚詩人言未知障籠樂
那解錢神尊吾儕窮不死
夜氣知猶存相期飽喫飯
遑問貧無禪

落葉和張堅白黃默圍

聽雨寒更靜掩扉門前消息是耶非

聽雨寒更盡開門
落葉深唐僧無可

句也秋來戀樹終何恃風裏辭條遂不歸
蕉萃自甘憐木瘦飄零誰惜異花飛
莫言生意婆娑盡轉眼春深便似
幃

休論身世付芻蕘玉楮還隨墜露飄
舊苑有溝流暗水

温如

諸陵無樹罷秋樵
荒庵漸老徐元歎
濁酒相於崔不雕
欲賦秋聲終未忍
疾風如吼馬蹄驕

昨日高枝今路塵
卻從狼藉看丰神
醉容曾寫霜天影
壞色俄呈淨土身
歷劫勞薪算知己
相逢斷梗亦流民
哀蟬一曲空頑艷
已種人天有漏因

勞者秋懷未可歌
最關情是洞庭波
半牀又積讐書課
三徑時聞響屨過
能策奇勳歸敝帚
漸空塵障障高柯
霜風脫木黃泥坂
物外天游屬老坡

題林季武黃默園合影

髫年家術識林黃
窮老工詩氣益蒼
大嚼屠門偶留影

誰知二客亦空囊

影攝於
銀行中

十一月重至北京哲維招飲酒樓

廿年殘夢在層城共汝追歡亦舊盟
賸有酒傭知姓字待尋騶卒話承平
風前驗鬢人俱老霧裏看花眼暫明
梨頰自渦吾自醉醉痕重說似前生

雪夜方策六齋中談詩何枚生林宰平黃默園黃

哲維陳吉廬咸集策六有詩見贈賦答

滿城寒色在高齋我亦談詩犯雪來
留與舊京成故實儒酸志業未全灰

海內聞詩舊有名能祛煩縟見光晶
世兒標榜終何得

溫如

勤說雷同過一生

述黃默園語

客來淪茗三薰沐
賓退搜詩七縱擒
何日攜君海東住
倚欄吟嘯答潮音

陳任先

錄

屬題其先德楓堦先生載書圖

來齋金石秋江硯
何似囊書共短蓬
展卷卻思袁粲語
見卿清德想高風

紀羣交誼今三世
架篋留貽過百年
我誦暉題爲流涕

侍郎磐石愧家傳

卷中有先退庵公題句

楊昫谷惠題拙稿賦答

我初識君辛亥前
以詩相質逾廿年
鍼育起廢輒私禱

誰分反覆稱其賢往時黃子孝君所習與我同嗜還相
憐君誇我詩就黃語此語雖祕人能傳天旋地轉十九
載故京禾黍齊人肩我來懷古更思舊嗟我黃子真沉
泉楊侯老健豈殊昔說詩如說曹洞禪不犯正位忌死
語得後山旨今任淵正陽門外風動天屠沽酒食紛腥
羶誰知此老卧窮巷茗爐火活瓶花妍明窗久坐我與
爾此是詩境非賓筵高歌定有鬼神聽未問坐客寒無
氈我詩視昔日退轉有如風鷁灘頭船怪君痲癖老不
悔尙理舊說書諸篇從來詩法似佛法要使食蜜甜中
邊真硯不損莫外飾方竹自好休規圓曩持此義樹詩

溫如

不飲
鵠知我甘苦惟君先焚香聽雨世不省更於何處求飛
仙編詩已落文字障除記歲月皆蹄筌報君此詩卻自
訟願君爲考然不然

題曹纒蘅春游雜詩後

春游昔夢久模糊誦子新詩憶故都寒食清明俱可念
鵠山句法上河圖

十二月二十三日歸大連途經山海關

我行雪影雜車塵歸指人間寂寞濱李耳真成及關歎
管寧終是渡遼人凍雲平野天無盡落日中原事更新
今夕黃羊剛祀竈夜燈應照舉家貧

去歲臘月二十三日哲維訪余天津旅次余以是

日歸大連不相直哲維有詩見寄次答以下辛未

舊京西望我東歸歲晚行勝與子違傷亂十年憎杜宇

冥心一室長伊威抱山詩好君何得孟東野詩好詩空抱山諛墓

文成世已非願汝忍飢來結夏煮茶亭外有漁磯

吳達泉寄和去歲塵字韻詩賦答

少須終見海揚塵未用時時問水濱願我羈孤真棄物

如君英特豈閒人罪言杜牧文無害佳句韓翃意斬新

更擬相從談貨殖一篇醫我十年貧

元夜

溫如

南北東西俱我鄉簡齋句更無春事足評量靜中眞見天
魔舞佳處微參海印光聒耳村兒十番鼓安心居士一
繩床馬行燈火今衰歇不獨山居覺夜長

樊樊山挽詩

家居識君名京邑始相見君衰我始壯往往共文醜相
違逾十稔去秋忽一面當時言笑頃今日已露電名高
鬼神嫉世亂文字賤錢劉暨翁阮生世君所羨樊山卒年八十
六與錢籀石劉文清翁覃溪阮文達同君才最吏事大藩出雄縣工書本
餘技詩律已其殿詩成如組繡出手五色絢又如造樓
臺取材七寶片初惟弄狡獪久乃駭羣彥長安萃詩客

愛居閣詩卷六
風氣遂一變往時辱酬唱於我意殊眷比年缺埽門正
坐無溫卷我詩取娛已君詩讀難遍哀君轉自哀噉名
焉用狷

鄧守瑕六十生日詩

萬里岷峨有故鄉詩人垂老意堂堂看花已寓長生訣
禮塔聊醫早歲狂餘事申韓還自詭舊聞蜀洛並能詳
推排遣汝成耆碩西笑何時共一觴

清明後二日寒甚

已過清明尙峭寒樓居初未近風欄小詩每向燈前得
舊籍時攜枕上看能贈綈袍無故友自欹阜帽亦儒酸

溫如

鷓飛草長關何事極目江南是亂山

門司午泊感念長崎舊遊

昨經七發島午泊依門司是身如浮雲吹墜天一涯憑
舷試南指野色連長崎長崎吾舊遊陳迹如列眉卻去
四十年父兄曾我持負劍累傭媪句讀尋塾師既畢學
與庸以次攻學而暮歸背誦熟母氏爲解頤期我續書
種譽我殊常兒誰知學無成坐負慈母慈天親久黃土
稚子今白髭放懷與經世二事徒然疑世間萬黃金難
返兒嬉時舊遊未忍憶掩涕成新詩

雨中過牧野鐵笛村居

回村風物類田盤中有詩人警暮寒我似長鑱頻浪迹
卻乘微雨過蘇端

松浦鸞洲伯爵招遊二宮別墅看牡丹以詩見迎

答以二絕

海隅通隱想高賢誰分班荆日正妍省識主人能愛客
好花新句共賓筵

軒窗列坐引清觥脫略形骸簡送迎他日迴舟更東望
海雲厓樹見離情

游箱根至環翠樓遇雨懷李拔可時拔可寓富士

屋旅次

溫如

霧壑煙扃斷來往急雨懸流誰共賞
二客巖棲各一樓
吟詩互答風泉響畫裏溪山不可名
世兒爭作剡中行
人間萬恨餘浮海迴睇周原未肯晴

同拔可遊日光山東照寺遂上山憩中禪湖

故人一別三載強誰分旅泊同殊方
相逢未訝鬢俱白
便事要約尋日光郊行百里達山趾
東照突兀開寶坊

游人上殿輒拍手龍吟細答如笙簧

佛殿中拍手輒有迴響寺僧目爲龍

吟從來天耳本非耳聞根幻響皆無常
山僧飾說衆傾

聽了知真俗原相妨吾儕何暇與龍語
驅車更上千仞
岡迴峯屢折似旋磨懸厓急住如收繮
嗟余始賦亦終

習回思世路皆羊腸高危相因本一理夷險累試今兩
忘千盤百轉忽平曠湖水一碧生晝涼居人燎爐待行
客頓失春煦疑嚴霜我來未肯御裘褐當風衣帶眞吳
裝平生忍寒類禦侮坐視衆靡吾用剛林陰插雲轉黯
黹水風切漢翻激揚要知高山亦平陸自天下視皆蒼
蒼天池石壁黃子久松濤散仙項孔彰茅菴臨水儻相
借共子結夏聊徜徉

自中禪湖至華嚴瀑

縵幽三百尺地底仍山顛梯窮得深隧隧盡別有天下
階更驀澗淺瀨何涓涓晴空忽吹雨匹練懸我前此瀑

溫

本湖水潤下理固然前峯滲巨浸越壑成飛泉木末采
珠人天上春水船世人易瞞過請證無眼禪

汪袞父屬題王震所畫墨梅

意足不求顏色似簡齋詩人非畫史後村怕梅卻愛畫
觀儼小兒喻殊詭花光上人不可呼彝齋王孫今亦無
元章苗裔擅餘技能弄狡獪寧腐儒晴窗放筆爲直幹
汪侯寶之俾我讚高館沈沈夜將半使君夢裏美人來
黑齒雕題一笑粲

西京知恩院方丈孝譽上人年百歲矣兩足已廢
而禪誦不輟以所爲詩名櫻寧集者見贈報以

是詩

西京萃名藍參禮紛所獲潭潭知恩院代遠佛燈碧寺中

佛燈已歷千載大師真佛子問歲今已百頭童目未眊足蹇顏

逾澤隨身一筍將外此胥屏斥上堂日持名下堂還對

客年高語言簡贈我詩一冊世間文字契不以方外隔

櫻寧有至理機鋒厭常格內藤與狩野作序語殊覈狩

野更語余師固兼儒釋乃知大智慧於學無揀擇夙因

我未昧塵世真自謫都由一念誤坐受萬緣迫修持卽

淨土退轉皆火宅稽首問大師我業何時白

東福寺書所見

溫

楞寮書法出于湖刻急能令筆勢殊細字真經吾慣見

僧房驚展擘窠書

張溫夫大字
徑逾一尺

楞伽僅見北宋刻道媚能亂東坡真蔣侯舊是蘇門客

會遣中郎畏虎賁

蔣穎叔寫刻
本楞伽經

慶元黨禁縱紛紜家有儒書國有君今日羣龍正无首

琅函合付定香熏

慶元本太
平御覽

流入扶桑選佛場鄉僧遺墨鬱光芒何時東際樓頭月

照我親尋聖箭堂

康熙甲戌鼓山僧道霈
在聖箭堂所書經卷

袞父席上山本悌二郎有詩次和

高館賓筵未易逢放懷須盡酒千鍾三山近遠渾無定

朗朗當前見二峯

山本一字二峯

泛舟保津川

山行意殊倦野泛神先愜前游追李叟規往挈劉勰

可拔

會游極言其勝初循龜岡徑遙指嵐山峽何期來十客

因邀午原同往正可共一艤川途始夷曠澗道忽巖業溪毛清可掬巖

翠凝我睫瀧飛如過雨石罅僅容楫奔騰下坡馬輕矯

穿花蝶連林獻圖畫列壑疲應接但煩篙與槳未用筇

兼屨人疑游桂管意不數茗雪歸裝何所載清景吾能

挾

原田莊左衛門七十七歲生日求詩

温

靈雀邱前草木馨
老人宴坐熟黃庭
舉家燕喜娛麋壽
長聽兒孫誦孝經

淨德寺住持眞淵實淳
金剛峯寺僧吉井芳純聞

余將歸自大坂追送神戶舟次

執別津梁得二僧
晚途迷誤我何曾
一蘆自渡圓明海
迴向靈山認夜燈

黃海舟中晚興

故園花謝綠初肥
異國春殘我亦歸
漸老未須憐鬢影
遠遊終遣長腰圍
意中虛幌多佳月
天際孤舟正落暉
分付船燈勤照客
待鈔行卷檢征衣

蘇東坡詩卷六
哲維看故宮太平花有詩見懷次韻奉答

看花心自長攬鏡髮苦短三年狎雲海換取衰與懶君
眞舊京人日與花爲伴誰能表餘春旌此藥珠繖去年
我曾來對花頗懇款題詩便歸去香色猶在眼此花如
遺黎坐閱廿年亂獨餘錫名意歷劫不可浣舊臣幾麻
鞋行幄春不煖姝姝戀禁籞我見亦已罕君詩語愁苦
未讀淚先潛如聞彈雍門又似唱河滿賞花取娛目積
憤轉成懣何如問杯杓日飲醕無算君家有旁妻力貧
守空館太平未可冀雙笑勝服散

金陵

溫

虎踞龍蟠豈讐言縱橫蹄迹滿籬門帝邦已污鍾山土
國狗狺狺晚更喧

苦憶曾侯定亂年大開賓館集歌船琵琶作甌今都破
北鯽南來直幾錢

楊家姊妹競新妝黃浦秦淮一水香卻笑唐人拘禮法
掃眉獨謁李三郎

五月二十一日同高夢旦李拔可劉子楷沈昆三

晨發寧波午抵雪竇寺

人間隨處皆焦原赤日所射疑燿燿沿溪越礮覓雪竇
賴此陶寫祛煩冤此山名雪乃無雪不成逃暑先負暄

同游三五競入寺急支行榻當風軒明州第一孰所榜

剡溪八曲吾能言雪竇為剡溪第八曲當時訪戴本乘雪觸熱誰

肯尋剡源野田龜坼佛不救更藉施食肥諸髡寧吞鐵

丸謝檀越願持此義諮世尊僧言巢墓在咫尺會稽王

氣今猶存秀才不第便移國後有健者還爭墩

千丈崖

夙聞高舉奇下潭與上竇我今兩無得寺廡坐炎晝言

尋千丈崖美此萬古溜懸流擘蒼巖立壁面危構倚欄

得平視慰眼疑色授稍嫌居高明不見水歸宿旱餘響

微咽石出瀧亦瘦何當風雨夕來聽雷霆門

溫

妙高臺

粧樓壓僧塔佛窟棲傾城亭亭妙高臺何人之所營塔
中禪定人定起聞釵聲錯疑摩伽^{登伽}登來度諸有情世間
萬骨枯娛此一榻橫禪師遺蛻耳持較孰重輕我來暑
方熾坐愛松風清休論兒女事暫主江山盟

酬夏劍丞贈詩兼惠畫扇

映菴閱人眼雙炯晚託沈冥心自警十年不見長霜鬢
贈畫投詩寧待請君詩寒過孟東野中雜梅酸味彌永
援詩入畫畫益工腕底溪山紛妙領徐熙黃荃君並暱
謂紹周公渚盤礴相過去畦町商量一稿換幾縑煙墨須臾

變脯脰康橋雨景倩誰寫流潦到門泥沒脛客來爭展

水村圖穿巷小車疑舴艋樓居那許忍終古所居康橋有忍古樓

轉眼陸沈愁滅頂莫從流舊矜避秦試聽邊聲甚哀郢

我曾覘國呼禍至卒中吾言真不幸相從响沫能幾時

惜此秋齋言笑頃君今樗散稱畫師我復巖棲事幽屏

客嘲椎魯誰用辭能解人頤此匡鼎陳彥通嘗以椎魯奉嘲

舟泊青島阻風雨者兩日頃忽開霽海行有述

勞山相覲不忽忽解纜回看翠埽空自倚船唇收海色

更憑旗腳驗天風平生行止人何力頃刻陰晴世所工

明日淞波還照我秋聲吳語月明中

温

陳瀨一四十生日徵詩

書記翩翩榆塞東
陸沈蓮幕見家風
舊儕競了癡兒事
鄂被韓香一闕中

強年鈍宦道殊肥
逞臆高談世所稀
我似東坡窮不死

眼中四十九年非

余今年四十九有九

贈林子有

樓上秋光照酒卮
射潮昨夜有新詞
閉門早袖澄清手
賃廡仍齊婉嬖眉
小試所長浮范舸
自明孤抱看韓椎
知君腰腳逾年少
便約山行試履綦

李駿孫

家煌

出示佛日樓詩題贈

君家門有數傳闕早厭兜鍪輕節鉞髫年已破萬卷書
對客深談終訥訥稱詩真得山谷髓西江祕藏君能發
婦翁師厚父伐檀文字淵源殊鬱勃君爲劉龍慧女青
夫李木公豕子
衿佻達不解書自我視之豚犬如我來喜就阿戎語卻
累而翁久延佇

一歎

侈談忠愛廢居諸太學諸生盡上書一歎教猱升木者
轉頭猱亦裂其膚

林詒書丈明年正月七十生日作此寄之

曩時文恭公會授吾父讀經師亦人望晚更樹臣鵠余

退

生失親炙庭誥耳能熟再傳忝弟子於義得私淑承家
五男兒白眉久推叔豈惟讀父書仕亦繼先躅中州及
章貢多士歸掌錄又嘗縮藩條吏範民之牧功施未及
竟坐見陵移谷遂令經國手未艾已初服深居二十載
夢寐在興復甘從舊京老恥彼無道穀明年七十矣朱
顏澤於玉山行那用杖棋罷猶能覆期頤此可券貧病
不待逐頗聞思古情竊比山陰陸篋無南園稿居勝龜
堂築放翁如可作政恐羨君福諸郎並好我長公意尤
篤請歌吾之詩以侑春酒祝

題黃公渚古澗寒泉畫軸

平生瓢飲愛風泉畫裏相逢一莞然下筆知君有遐會
富春一角是家傳

十二月二十三日東拔可用去年今日山海關道

中塵字韻

彌天烽燧市成塵異國舟師在水濱歲晚又添兵死鬼
北遷何限夜行人

南京政
府北遷

事如破甑君寧顧局似殘棋

劫更新媚竈割羊吾亦懶今年傷亂甚憂貧

除夕次和東坡岐下歲暮三詩

古人通有無餽問取相佐今人務饕餮歲時輒行貨高
官癖阿堵眼孔真措大

宋太祖論
桑維翰語

紛紛飾廉潔海物溢

溫

齋卧我家接戰場但見烽照座貪人能召寇民命付春
磨生魚誰復饋載酒無人過兵間偷活耳漫取坡詩和
饋歲

徂歲速於矢既發不肯遲政如遠游人已去焉可追歲
行本無盡吾生真有涯亦欲樂今夕哀哉此何時強鄰
具鼎俎待我魚肉肥臨觴那忍御兵火生干悲沉思來
日難終與舊歲辭酒邊料筋力我老何曾衰

別歲

當前有封豕我心無睡蛇何庸惜短景辛苦相要遮戰
士久不眠奈此寒更何夜行已有禁居者誰敢譁礮車
作雷鳴臘鼓不待搗深宵試傾聽北斗倏已斜平生傳

卷六

修期所志寧蹉跎寫詩了殘夜守歲休輕誇
守歲

飲

公

酒

温

爰居閣詩卷七

長樂梁鴻志衆異

古今體詩一百四十六首

元旦 巳下壬申

歲改春何在兵驕火益然長鯨排大舸翔隼下飛船道
失民終散吾謀敵更堅居鄰戰場側不分得今年
雜報傳消息軍容異短長兵殊晉北府人擬戚南塘客
座多危語行間有國殤春盤從棄置隨事見滄桑

次和周梅泉人日

老覺人間萬事輕已將蟻鬪視塵兵流民自下無聲泣

驍將方爭沒世名采勝何心問人日夢華隨處憶春明
草堂斷句君能寄不信淞濱是火城

次韻梅泉夜坐

春寒如水意如冰自擁燎爐寫剡藤苦戰人思洗兵雨
嚴宵誰禁照愁燈似曾相識堂前燕適自何來座上蠅
嗟我與君俱老矣未妨癡鈍博冤憎

次韻和稚辛靜安寺元夜步月兼示子有劍丞公

古今渚

不待霜顛我亦翁俊游年少更誰同取書引睡人寧倦
緩步當車道未窮花市更無燈礙月春郊惟見馬嘶風

温

淞西我輩經行地酒面難爭戰火紅

次和劍丞十八夜

老傍夷場看築球稍迴孤抱愛賓游忽驚鐵騎日馳突
何處酒船容拍浮春水方生血漂鹵夕烽無際月明樓
與君共有伊川懼氛祲冥冥未肯休

贈許季純

早通儒藝動鄉枌晚薄枝官理舊聞老去填詞供畫壁
興來濡筆愛書裙道腴始信貧非病韻勝寧爲世所醺
長我十年卻強健一春輸汝看花勤

次和陳病樹辛未除夕四律

絕代陳驚座高吟逼歲除相看俱濩落不忍問何如貧

豈師原憲狂能踵接輿未須矜識字孤絕子雲居

不羨乘軒鶴翻成尺澤鯢腰因蓺花折頭爲檢書低孤

往疑風漢朋來學醉泥人間盡歧路何用辨東西

咫尺詩人宅今成越與秦深談愁禁夜社集罷尋春國

論工延敵邦交侈乞鄰健兒那解此委命路旁塵

晏起眠常早書來答每遲癡肥與年進老嬾任人知世

事有爲法我心無礙慈三分春去一纔和去年詩

三月三日同葉浦孫陳病樹兆豐園看花

舊京游禊夢成塵又賞江南劫後春報答晴光餘短鬢

溫

平亭羣動待閒身
腐心二客詩無敵
照眼千花態更新
急取胡床供坐嘯
莫論避紂與逃秦

冒鶴亭六十生日

壬申三月月始圓
疢齋初度張賓筵
年雖六十未全老
瘦面不改神瑩然
君纔冠歲已名世
早換凡骨稱詩仙
一篇脫手衆閣筆
舊聞自注西崑箋
遄迴郎署宦微鈍
誰分朝市殊光宣
眉頭灸艾爲將母
世論終覺梅村賢
一官管稅遍吳越
夢落酒務兼茶船
晚賣章甫問裸俗
和凝衣鉢知誰傳
邇來避兵返家衝
亂餘一壑君能專
小妻奩豔有新著
名園水繪存故廬
猶留偉抱建詩國

斷無惡歲侵硯田稍憐向長累婚嫁不尋太華峯頭蓮

約同游華山君辭不往平生相賞在文字昔游陳迹辛亥前花時

社集半耆舊十三人中吾少年風輪催人及始滿霜鬢

笑容難重玄不材山木世或赦自蔽泥水身粗全十年

長我合兄事較量詩力慙及肩昌君之詩飲君酒江春

無際花連天

李祖夔母夫人僑居守儉圖

促織不鳴吳婦嬾臂袒踏歌夜歸晚古刺熏衣異國香

金剛約指中人產習俗潛移物力殫轉從淳樸見輕安

隱居釵與留賓菜合作明州母範看

溫

晨泊京口

不放金焦睡凌晨整髻鬢酒隨兵共盡鷗與客俱閒闖
獻天終厭孫劉去不還英雄無好手吾亦負江山

舟次金陵

石城鍾阜不能雄紫色蠅聲數亦窮觀化早知雞樹老
過墟終見犬臺空俯窺關輔身猶健余將西游太華坐狎江潭
水更東對此茫茫但堅卧柁樓分得夕陽紅

函谷關

崤陵隴阨連虎牢仰視函谷猶堂坳一關高踞俛河曲
兩軌斜上通秦郊周秦之間亂太甚更番守險如牛毛

小儒說史圍常理每罪嬴政尊漢高開關延敵在禦侮
鞭笞六國真人豪可憐爭王特要約廣武間語殊啾嘈
我來正值世運否鐵牡亡失門誰敲及關何處覓尹喜
丸泥惜未逢隗囂嗟哉舉國盡鶉首人與天帝同舖糟
雞鳴薄技亦銷歇盈廷晨牝方嚶嚶

華陰道中

駢駢車行塵漲天略從雲際辨池蓮不逢東道王無異

何減西游戴務旃

顧亭林入秦主華陰王山史家戴鷹阿在京師與人夜談華山之勝晨起

即襍被獨游

土穴春深猶堽戶山椒泉好半澆田漢皇宮觀

分明在兵衛森陳不望仙

漢武帝集靈觀有望仙門華陰廟即其遺址今夷爲兵工

溫如

廠

三月十四夕宿玉泉院

峻嶒聳三峯登陟餘一徑奔車到谷口巖翠紛我迎琳
宮倚山趾冷然以泉勝於焉憩塵鞅美此水綠淨亭臺
互高下木石各閒靚我來日既傾佇立萬山暝須臾月
東出與客作明鏡坐塔六七輩語笑雜嘲評希夷埋骨
處過者猶起敬羽人豔檀施久已盜其脛玄扃不自保
遺像或未聖蚩氓爾何知摩挲起諸病亭前無憂樹干
載葉猶盛當時手植人不及此堅勁金天恣遊行白帝
待朝請山行此初程前路幽且負吾生媚孤僻夜景生

澹定筋力非不疲聊以存所性

青柯坪

朝發玉泉院午食青柯坪入山廿里強一一記所經希
夷峽已空毛女洞不扃山中本無仙人乃山之靈迴看
十八盤下視搖我精再上路益峻陡絕愁颺颺人心有
劍閣世路皆井陘輿人已謝客試險容吾行

上千尺幢復經百丈厓老君犁溝至北峯絕頂

少年曉事識向背老去崛強偏褊褊人言險絕千尺幢
徑往從之斷諸內迴心石刻誰所勒自厓而返知幾輩
握繩捫壁入天井取徑逾艱步逾碎我登真似猿仰攀

溫

下者卻成蛇倒退磴容半趾石打頭豈有地天堪履戴
紆迴頓曲凡幾經始漏微光蘇晝晦舊讀桑經愛酈注
在室窺窗眞善績通天箭栝爭此門百丈危崖旋變態
躋攀未半磴又移鐵索無功杖全廢犁溝最高勢更陡
俯視行人似初睥下臨絕壑極窅冥上與層霄通警欬
伶俜踳跼闕十里汗泚呻吟亦三昧北峯高處依羽流
火急支床求盥頰吾身寧合墮崖谷有命在天狂不悔
昌黎曾是學道人咋指鐫銘寄深慨

雨止北峯次貢獨游東南諸峯傍晚放晴與劍丞

子有臨眺有作

我來不見公超霧夜色能明仙掌露北峯一宿雲作堆
破夢驚聞雨如注曉來頓失蒼龍嶺便草遺書無擲處
何從更覓落雁峯搔首向天商好句山行歷險本恆理
恃有此心無去住先登固勇止亦佳退轉者非夸更誤
杜陵手無九節杖白帝真源付虛慕昌黎欲摘玉井蓮
青壁負緣苦無路兩賢詩在寧我欺一壑能專人已妒
天公知予不適莫急返雲車轉風馭三峯自獻肩削成
大河橫陳腰約素紛隨晚照來媚人坐待目成何用步
我生於物戒多取好景在前隨所遇二公莫更信東坡
人厄天窮兩無據

溫如

王猛臺

不甘貨畚棲山村兵書可讀蝨可捫胸中何止收太華
眼底久已無桓温男兒事業風雲會捫蝨讀書皆狡獪
我來分得在山泉

徒行三十里渴甚就飲澗泉

未暇輕然醫國艾

劍丞嗜黃河鯉游太華途中力求不獲歸抵洛陽
乃得飽啖余嘗以豈其食魚必河之鯉調之因

演其意作詩奉嘲

書生苦說菜根美賣畫得錢易甘旨卅年彈鋏越與吳
幾見江魚上簞簋風餐星飯爲看山旣飽眼饒牽食指
車行日傍黃河流逢人輒問河之鯉洛城東去得酒樓

笑饗人工奏技霜鱗貫柳堆滿盤下箸不停君色喜
我聞食色出天性舌本身根無二理知君飽後入華胥
髣髴閨房來宋子招搖過市竟忘老裙帶得官初不恥
豈惟五鼎恣割烹更有百僚供令使嘉魚入饌婦窺簾
所不廢詩視河水覺來夢實兩俱空仍轉飢腸鑽故紙

洛陽

伽藍作記楊銜之述名園者李格非牡丹譜錄始歐九
更爲牡丹圖賦詩洛陽自昔一都會池臺草木關興衰
東周漢晉迄元魏中天下立賓四夷唐都長安宋宅汴
亦與洛邑相因依古人作京有深意豈類城社藏奸私

溫如

飲

金陵氣盡匪今日海始告警京先移奔車夜走北邙坂
青蓋披拂洛與伊紛紛免死免三窟煢煢暫寄鷓一枝
嗟哉太王始作俑踉蹌避狄來邑岐關東遼瀋棄不問
陪京更指崤函西三都分據揚豫雍不見島國班雄師
洛陽過客但嘖蹙招提園囿今無遺卽論花事亦殊昔
鞞紅檀暈皆離披飢軍入市挾劍器逃官弔古無文辭
鐘鳴水竭亂未已佛面流汗寧吾欺數奔深閉豈有備
胡馬會向中原馳漆城蕩蕩汝能築寇縱不上人無儀

步入洛陽城東門偶憶元魏舊事輒成二詩

是誰第宅洛城東文物曾無拓跋雄避寇僇奴誰識字

雙聲不解罵春風

小裁冠帽短衣裳鬼物由來住建康一闕又成魚鼈市
吳人坊巷不尋常

望北邙二絕句

打盡諸元諛墓碑漢家園寢更無遺帝羝高塚江南岸
會有金椎爲控頤

墓門長夜鎖驚鴻上壟牛羊雜牧童今日宮闈盡蓬首
近前難得面微紅

題黃溯初敬鄉樓圖卷

永嘉之學世所宗水心浪語皆人雄遺書萬本足津逮

溫公

匪私一樓天下公榜題恭敬梓與桑飄然挾書違故鄉

祇今樓燬有書在畫中樓影心難忘

溯初攜所藏書居滬而樓燬於火書

幸得全

君家蕘翁稱佞宋但有校讐無諷誦知君善讀編

絕韋六丁不取蟬不肥

海行經舟山羣島

曾謂海行遠終朝洲渚間益山皆縮本晚靄此橫看往

事寇深入傳聞城不完漁歌今滿耳誰與戒懷安

雨中度隘門嶺

嶺路籃輿不受催每逢佳處輒徘徊抱山雲氣開還闔
入海溪流去不回伊軋乍停泉更響鉤輅無語雨初來

忍寒未恤衣襦濕滿眼新詩要細裁

老僧巖

山靈有山不肯專現老僧相臨道邊鬚眉衣衲盡刻露
以手肅容神宛然汝僧植立何代始我意遠在賢劫前
當時四洲半海水今見岸谷波成田我來已愧謝康樂
攜手亦失杜審言多生欲洗文字障高居無語君差賢
獨憐終古倦迎送風日所剝成頑仙津梁疲我合宴坐
更擬招子同參禪

東石梁洞

山路盤而紆石洞幽且邃長橋不卧水洞口作遊戲乍

疑龍起蟄雲外奮孤臂又如象渡河取水掉其鼻垂虹
飲遙澗奔馬躍深隧誰知是石梁蜿蜒到平地穹窿本
天成巖壑卽禪寺云何加版築塗附出好事誰能返其
朔談詭見山意何人躋吾言質論俗久棄

靈峯洞

雁山詭異天所縱奇固在峯尤在洞雙峯合掌洞含虛
鬼手神工此搏弄外觀蚌殼微翕張中作螺旋疑鑿空
百尋立壁翼而兩十級危樓蝨其縫初登極狹時面牆
每轉逾高直飛鞚佛如鴟吻競窺簷我化醯雞真處甕
天光一線午先晦巖溜萬珠晴亦零兩儀七尺暫無關

日月何曾事賓送層樓盡處泉一泓上覆陰厓下連棟

我心早作在山清便乞泉歸定何用洞中有樓十層樓盡處有小池日洗

心泉

贈蔣叔南

蔣侯夙具開山手踏破靈巖勝五丁導客一筇身未老

自逃醇酒望人醒

次和陳叔通靈巖寺

山深雨不已首夏餘春寒天風不饒人襲我巾與襪平生飽憂患無褐心亦寬惟餘兩不借踏偏干巔岫寺門萃萬綠石色如琅玕層崖障其後染赭還流丹山川與

溫如

圖畫我作平等觀何須強分別展卷殊憑闌仰睇百岡
尖雁山絕頂名百岡尖言雁湖者誤也欲往無羽翰何當子跨鶴我亦驂
青鸞山顛各分陝勝坐枯蒲團

四月二十四日晨起爲觀瀑之游先西石梁次梅

雨潭次能仁寺並觀宋元祐大鑊最後至大龍

湫讀 先退菴公題字

雁山多飛泉益以連夜雨晨晴實天賦恣我得快覩初
尋石梁瀑聲宏勢尤怒項羽破章邯生氣殊虎虎復次
梅雨潭脩瀑如靜女長身倚空谷衣縠不裝褚知余亦
畸人作意相媚嫵相看如有會佇立終無語何如能仁

寺一賞元祐

大鐵鑊腹內鑄字略云清信弟子劉仁晟謹施淨財鑄浴鑊一口捨入嘉福院

永充無礙浴室

時皇宋元祐七年歲次壬申十一月記等語阮芸臺兩浙金石志所不載

佳未可小邾莒燕燕尾涎涎一翦歧兩股

瀑肖燕尾更因以為名

觀大龍湫募然作盟主帆峯能迓客錦水不受艣四山

忽合圍寒碧疑太古懸流破山色巖翠夾而輔拖將一

匹練激作千子乳珠璣天咳唾光采佛眉宇逡巡歎觀

止心悅掌頻拊壁間見題字憬然念我祖來游道光末

晚筆逾飛舞維時客永嘉久已謝開府泉流名不泐閱

歲八十五

先退庵公道光二十八年戊申來游時就承

養先敬叔公温州郡署迄今八十五年

家念磐石循牆合偃僂平生邱壑懷茲游愧繩武

溫如

次日觀小龍湫

雲氣猶屯雨解嚴龍湫雖小亦珠簾昨親四傑今孤豔
只有看泉不肯廉

天柱峯

靈巖雨坐昏連晨衆峯羅列能我親就中奇特最天柱
突起正與僧窗鄰頗疑帝釋昔下降故假石骨留金身
又疑防風未遭戮至今拱立冠垂紳卓錫何止二千尺
積粟累上三百困朝曦乍出雲影薄欲動不動搖青旻
寺僧見慣不頂禮飯鐘一例輕儒巾野人無識更褻玩
縋而采藥聊醫貧

峯頂去地百十丈有業采藥者縋而下以博錢見者駭絕我瞻高

標儼對越近前真恐生怒嗔擎天事大會有待非時自
試吾深颯

天窗洞

仰窮絕壑盤千磴俯瞰澄潭穴一窗試取天窗證天井

卻憐曹鄴不成邦

華山天井奇險兼至非天窗所及

縋登古有徐霞客散策今借蔣叔南老去山行寧試險
亦逢奇處且幽探

大雨步上靈峯至苦竹洞復冒雨而下

磴路千層徑百盤往來重趼覺心安平生食肉無多俗
未用當前竹萬竿

溫如

乞取天公昨日晴
四山觀瀑辨泉聲
靈峯更上非知止
贏得拖泥帶水行

別靈巖

執別靈巖意惘然
齋鐘違耳榻空懸
早知三宿生吾戀
行遍諸峯覺汝賢
衣上征塵雜巒翠
枕邊殘夢帶風泉
莫言筋力今無用
繭足看山近十年

大溪舟次

溪路雨初止巖棲人亦還
低橋時礙舫頽岸不遮山水
驛逢人間晴雲似我閒
明當渡滄海高枕夢孱顏

以雁蕩龍湫背茶贈陳病樹袁帥南用山谷韻

陳侯示疾苦說法袁生惜陰還讀書可憐水厄俱不免
煎成蟹眼湯沸珠青山雖瘦吾自腴病渴幸不同相如
歸裝茗味待嘗試中有龍湫兼雁湖

哲維居金陵見懷絕句有平生事事輸梁鵠何止

清詩在上頭句答以三詩

壯年燭武今頭白誰分黃生鬢亦新老我閒眠君乞食
相看同是不如人

君到鍾山定跨驢南朝令僕莫輕渠更休鄙薄能言鴨
飢鳳生涯或不如此

平生過邑避朝歌靡靡雖工奈我何君自有才宜顧曲

溫如

豈因袍笏唱迴波

海行沈舟示內子

萬波脫命一壺尊故物都空我幸存徐語閨人還一笑

破船休更怨章惇

庚申乙丑余家故物兩遭燬壞今則三矣用范忠宣橘洲破船事

吾道難行險未窮風波屢試術何工僧伽縱護東坡老

不及相讒鼈相公

莫干山

萬竹綠無暑一樓高際天蟲聲咽寒碧人語隔秋煙游
女禪殊短衰翁鬢不玄相逢無可說同聽劍池泉

題夏劍丞填詞圖

意內言外詞所優備詩之美偏陰柔我年及冠偶塗抹
筆縱未老情殊流卅年心力日粗醜如鬻餅者晨輟謳
映庵工詩此更擅鏗而不舍增余羞作圖標舉寄微尙
流泉繞屋松枝蚪脩髯禿鬢有人在新腔自度聲能偷
圖中之樓君所宅倚欄終古觀風牛映庵居鄰牛宮自述如此煙鬟
舊舞落何許但有詞筆無歌喉少年夢境絮飛遠老來
綺語荷新抽空中傳恨本烏有自具粉本君焉廋時流
擗捲夢窗稿蓬萊金碧窮雕鏤君詞警句有聖解何止
心上離人秋秦七黃九尙寒餓囊錢未盡君何憂會教
歌遍有井處世間細碎非身讐

溫如

欣

同葉譽虎黃公渚步至金谷村訪莫廷韓先生墓
 交衢如織市聲詢戶牖蜂房人蟻蠓誰知中有秋水墳
 三百年來餘一壟我叩玄扃今十稔再至尋碑迷萬楨
 相攜好事葉與黃三匝銅街重趼瘡金谷村南芳草地
 蕃漢築毬爭曲踊試窺籬落得閒門儼見崇封表遺塚
 松陵耆舊誰可念中江方伯人爭重能傳筆勢與佳兒
 始信讀書真有種豈惟工書兼擅畫遙接大癡平揖董
 夜吟畫舫畫書裙朱十微詞亦矜寵見靜志居詩話秀才遺蛻
 此坏土歌者餘音想泉涌筆記載廷韓沒後有歌姬上冢痛哭而去我來但
 見樓四圍夜壑終遷木難拱此邦何邦世何世無復桃

愛琴閣詩話

七

源真藕孔墓門片石比韓陵有約重來莫辭冗

題陳吉士超山遺愛圖

憶余初十齡陳侯吏於澗熟聞宰劇縣爲政勤且惠壯
年始相覲侯已迫衰歲坐曹了僉判不作明日計於今
骨全朽朋輩徒感逝那知有遺愛流美正不替塘栖水
悠悠用以資樹藝誰初濬此水侯也利萬世杭人重祈
報廟俎歲有例雖殊桐鄉葬頗類高平祭超山梅萬株
供養神所契孤山有林社香火與相儷人亡政已熄雞
犬亦遭稅諒哉子遺民念侯輒垂涕

林宗孟之歿今七年矣梁和鈞嘗作雙楛行哀之

溫如

復請余越園爲之圖屬余題句

雙枯主人我姻舊眸子炯然顴骨瘦舌能論政腕工書
兩事於人不甘後書成往往鈐小印自比尼山魯司寇
宗孟有三月旁人竊笑君不慚託意甚高寧畏詬掉頭

入海能幾時巧匠歸來手難袖我聞國政叢謗嫌君亦
求官就除授象魏雖高不懸法大弔已弛誰能殼我緣
智免學鴻冥君乃幡然問蛇鬪功名之途有百險古來
易與危機邁况君用短卻從戎輪血朱殷誰汝救人生
四大付八還何用鬪饑實歸樞獨憐國寶殉老兵如鳳
在斂麟被狩七年噩夢今作塵雙樹清陰更誰覆人亡

多居閣詩卷一
三
枯在不相保草木無知天轉厚我生脆弱命窮薄君每
見嘲慳世壽戲言在耳星再周後死何成面先皺吾宗
舊客雙枯廬詩畫騰哀如在疚世間何限翻覆人死
交情寧易覩

李拔可屬題先德雙辛夷樓填詞圖卷

雙辛夷樓名故里樓上愁人今逝矣當年指冷玉笙寒
四面闌干慵獨倚詞家從昔有三李先生四之真有以
不知愁裏地幾弓高樓忽自毫端起願分愁裏地起高樓爲零鴛詞警句
我生苦晚無一技恨未相從操杖几披圖不分接詞仙
吹竹聲中宮變徵樓前雙樹干底事雪色高花照藤紙

溫如

傳家更有筆如椽詩手今推名父子

名父二字連讀

題冒鶴亭母夫人稽山負土圖

髫歲熟聞周太守與我外家交最舊君年逾冠省外翁

及謁歐齋親老宿歐齋一去卅五載湖上孤墳兩松覆

祇今誰記蓋世翁鬢齒飄髯清且瘦

周季貺太守鶴亭外祖也丁酉鶴亭

入閩及見余外祖林歐齋先生是冬先生沒今三十五年矣

何曾庇遺胄老依靈照與何燈親見陽元能肯構篋書

有託萬事了况有高名在身後絕憐孤女挈童孫手斲

稽山掩三柩稽山之陰鏡湖水鑒此霜髮封坎螿疾齋

報母為寫圖以孝承家何所疚吾儕等是失母兒題句

還君淚霑袖知君風韻似袁公顧我私慚楊子幼

五十忽已及六首

五十忽已及憶我初生時重親方致歡四海胥平夷明年法人至振旅爭雄雌豈惟燬船官且以殲舟師維時我未醉那解詢國危蹉跎五十年舉國仍恬嬉

五十忽已及憶我十歲時始受左氏傳既畢書與詩琅琅讀書聲吾父時譽兒日夕課試律四韻初解爲驕癡晚蓄髮同輩呼沙彌沙彌今老矣驗取霜鬢髭

五十忽已及憶我二十時父死已五年薄俗輕孤兒母氏爲取婦上計來京師婚宦豈吾意聊以慰母慈貧家

溫如

無舊交日下多新知惜無顧逋翁賞我芳草詩

五十忽已及憶我三十時齊民久移國朝士眞子遺徵

辟到書生始與僉判辭前望五十人自分無傾危

顏之推語

看花遍蕭寺臨水循液池平生奉母樂畢世吾長思

五十忽已及憶我四十時脫身復壁中盈卷逋人詩吾

母亦南來依此攬轡兒購募尙未解容狀防人知酒襟

客杭州阜帽遼東陞當時逞囊智事過眞弈棋

五十忽已及五相皆初衰平生憂世心併入失母悲縮

手今幾年蹙國萬里奇坐令哀郢人陳此初度辭無功

醉有鄉希夷睡可師五十且如此六十知猶癡

五十初度哲維贈詩次答

達人貴乘化無歡何用悲百年亦急景修短寧繫茲吾
生習憂患久奪年少姿四海誰見哀好句煩相遺君詩
雙井味硬語吾難追我豈師眉山才拙思更遲詩中苦
相慰慰我老與衰老衰始今歲哀樂防人知相將客吳
會白首歸無期

與君交最深風味似崖蜜同爲可憐人相衡互得失君
常安以疎我則危而密相看俱老矣謬敬敬煩子姪誰知
兩少年禿盡哦詩筆國門集千蛾視君猶一蝨君胡不
自下恥與羣雞匹眼中遼瀋盡昨歲江漢溢期君待桑

温

海對奔霜中橘

哲維自金陵次前韻寄詩再答

衆生事爭奪爲歡不償悲我老清淨退至樂端在茲紛
紛少年場搔首更弄姿目我作棄物不死天所遺君今
顏亦蒼去日那可追低頭換寸廩怨憤仍棲遲詩就常
獨吟格老氣不衰稍憐溷諸儉好句無人知留君建業
水憇我滄洲期

世味如食茶超觀卽啖蜜中邊兩俱澈何處尋得失君
今石城居與誰相款密道逢屠沽兒自詡方相姪問君
果何恃傲之以寸筆白門時跨蹇青山對捫蝨相求千

載上糴郎故堪匹摧藏由分定未用憂常溢勤沽十千
酒侑以三百橘

寄何梅生福州

林間病葉與霜零樓上吟人酒半醒佳趣待分何聖可
紙牕風雨一燈青

故鄉無物繫人思賸有湖梅不入時太息梅邊人漸老
忍寒巡遍最南枝

哲維雪中自金陵來有詩見簡次答

街雪連淞流樓居覺江近有人正僵卧苦憶青溪隱詩
來挾寒色清絕無埃坌政如淡妝人不假脂與粉天公

溫如

作游戲卑壤使之墳積陰任晦塞何用雞聲殷看天縮
吾手胸次有孤憤甘蒙不醉恥未忍同飲堇子來吾更
豪說詩發微听

爲黃公渚題所作畫二軸

詩人畫境故難量不似時流囿四王蟹爪樹枝鬼面石
無人知是郭河陽
追踪梅壑近雲林着墨無多意轉深何日置君邱壑裏
飽聽寒磬坐松陰

龔懷希師蘧莊圖光緒甲辰承命題七古一章今
二十九年矣頃復出卷屬題呈四絕句

山林漸見斯人老，兵火難尋獨樂園。四海何時入陶冶，

先生瘖啞欲忘言。先生獨何事，四海望陶冶。及撫掌笑先生年來效瘖啞，皆東坡題司馬君

實獨樂

園句

故園吟望入停杯，飛騎橋連教弩臺。雜霸孫曹莫輕視，
眼中諸將盡龕才。

記從隅坐詠遽莊，圖卷猶新海已桑。身是河汾門弟子，
苦無功業愧升堂。

當年刮膜負金鐙，頭白重教展舊題。三十年來詩不進，

願聞鼓率乞刀圭。

甲辰會試師詳定試卷劇賞余文力薦不得售

婁子柔

堅

手札卷爲吳洗戈題

溫

練川婁唐

叔達

程孟陽

明季稱三老婁文師震川詩有

吳歛草豈惟詩文勝書法亦研討偶逢佳筆墨伸紙時

一掃卷中十數札反覆看逾好檀園時問訊松圓晚相

保

卷中與程孟陽札言及李長蘅

吳生屏俗嗜得此如得寶晴牕勤展

觀莫遣蟬魚飽

雨中答林霜杰見贈

別去俄驚十七霜重逢容鬢各滄桑思量舊事渾如昨

檢點前游未忍忘世味萬端歸茗椀詩心一縷在燈牀

南來天漏誰能補不待聞歌早斷腸

惠詩有閒殺強臺補天手江南來聽

雨瀟瀟句

霜杰辱題拙稿次答奉寄

慰我離羣辦一餐力貧沽酒不辭難頻談往事生吾憶
細寫新詩待子看敬禮小文資潤色淵明薄宦是憂端
登高不見吳門練樓外寒雲雪作團

霜杰時居蘇州

元日和陳病樹韻

已下癸酉

懶共家人說歲元眼明簷雪射窗暎待呼如願來烹茗
笑遣顛當爲守門萬物未如春可貴一生差信默能存
成名豎子今何在莫更追論廣武原

贈王莪孫

自我識君三十載君昔壯年今已倍不知國火凡幾更

溫如

睥目于思初未改當時拾芥取科第亦復浮查歷瀛海
寶書字已辨撐犁匣劍光難閱長櫺京塵轍迹我略同
終歲過從不嫌每南來投老隱塵市牛僧家風寧汝浼
夜燈燒藥喚紅妝午枕拋書覓黃嬾人將社事諮遠公
我覺清言屬裴頌風光陶寫信不惡何用牢愁叩真宰
持家健婦况能貧促坐要君看戲綵

龔懷希師見貽定山堂集並以 先退庵公石印

二方歸我集定庵詩紀其事感荷有述

端毅詩名壓江左蒙叟駿公相印可風流愛士有傳人
天挺吾師真磊砢手刊遺著煩損惠吾祖石章更歸我

兩家文獻未消沉拜賜真同夜光顆先人舊德在人口

微物流傳雙玉果祇今江漢盡橫流當日恬波繫官舸

石印之一文曰修守江
淮河漢承宣南北東西吾師題句類蕃錦拮據前賢翻

貼妥傳衣迦葉老何成撫石元超淚先墮儒林苗裔愧

期許父祖頰光難負荷儒林幾見傳苗裔祖父頭銜舊
頰光皆題詩中集定菴句也

遽莊今擬定山堂長許韓宮依末座韓莢宮夢仁皆
出端毅門下

寓齋酒集許疑庵有詩次答

相覲始近年讀詩早相愛心折匪面諛客嘲吾不悔春

來蠟山屐欲出苦陰晦子如天都峯入座與吾對詩心

真廢圃子來以泉漑更當持子詩分潤及儕輩紛紛鈍

溫如

根人何時得三昧

題李碩戡握蘭籥裁曲圖

蕭琛三好我無一性分尤難近音律年時略嗜酒與書
邇亦停杯捐卷帙聞根漸鈍覺身老顧誤無能疑耳疾
逢場只見動朱唇強託知音苦無術君今於此有遇會
板拍在喉歌在筆知君不僅耳特聰口手視人亦超軼
亂彈晚出世逾變正樂何人問崑弋宮聲不返商有餘
雅廢夷侵吾所慄南來絲竹更取厭梁父吟成惟抱膝
偶然感物勝聞韶晚雨瀟瀟蟲唧唧倡優誠拙鐵劍利
楚正圖秦九邊失將軍猿臂本家傳急奏鐃歌奠京室

題許疑庵所藏宋詩紀事稿本

太鴻片紙我所珍吳江夜泊詩句新

余藏樊榭手書吳江夜泊五言律

君今亦獲紀事稿言笑似接南湖民十金便許錄名姓

汗青無術徵君貧祇今萬本走天下誰記緝稿昏連晨

捐十金而成一卷請錄芳名及暝寫晨書緝一朝之風雅皆出徵刻宋詩紀事啟復堂鑒古早

題字疑庵閱市能識真憐君窮旅不自飽易取不惜朱

提銀碧湖打槳剩詩在溪樓延月圖成塵何如此稿不

寂寞黃山歸棹隨詩人

為湯定之題其曾祖貞愍公手書詩卷

定之善畫光先躅祖墨裝成俾我讀飄流南北欠題詩

溫如

欣

一十五年猶韞櫝琴隱園如習苦齋千春碧血照江隈

寫詩莫比閒情賦認取巾香蠟淚來

卷存余處庚申之役在籍沒中已而

復還又與定之相違迄今閱十五載始題而歸之

題葉譽虎遐庵夢憶圖

慶朔堂前對舉杯見君攀折及花開聞歌早覺春難駐

賺淚今知夢可哀埋玉一邱真幻住遺環再世會重來

劇憐空有兼忘後剩取心光接夜臺

譽虎姬人葬北京西山之幻住園

疑庵贈詩次答

知交何必多二人自成世此心兩相許未用頻執袂詩

來有深語喜極發吾涕政如寒乞兒得金迫除歲君才

多居閣詩卷七
十四
十倍我早具搏扶勢一官難救俗歸作新婦閉吾衰牢
袖手喪亂寧始計劇憐橫潰中漏舟那能濟獨當就之
子痛論天人際

北京圍急感賦

羣兒召寇壓神京黨論雖高國本輕競握空拳呼殺敵
自矜豪語諱尋盟駸駸南牧胡人馬子子宵颺幕府兵
迴首十年論政地燹痕和淚不分明

題曹靖陶昆明豔泛圖

碧湖雙槳厲樊榭一舸黃橋蔣鹿潭羨汝移舟有仙侶
舊京風物勝江南

溫如

裂帛歌聲晚掠湖知君打漿待量珠鬢霜欲乞歌姬食
卻恐旁人畫作圖

吳敬臣出梁節庵所贈畫梅舊扇屬題敬臣梁門
下土扇款本署敬臣適相合也

晚清忠蓋最吾宗老去傳衣一扇風未用爭墩較名姓
愛梅心事古今同

沈一菴海日樓圖卷慈護屬題

海澨人家瓦萬鱗一樓曾此着遺民每從殘夜朝初日
未信中原尙有人文字不磨坊巷改畫圖雖幻性情真
題詩苦恨南來晚不及風欄見角巾

黃公渚屬題墨謔廬畫隱圖

讀書不求仕並世無此賢眼中黃躬菴三絕今鄭虔槃
礴睨衆史胸次意萬千拂拂出十指到紙惟雲烟可憐
雙管松不易二頃田時亦藉療飢勝使造孽錢墨謔本
無廬隔海餘一廛畫隱亦漫圖側帽方少年吾嘗論君
畫神悟胥關天偶師戴習苦輒類董畫禪吾指若懸槌
六法終無緣韉材萃子所好畫休輕傳

題吳靜庵寒匏移讀碑圖

讀書占斷東西屋聽雨平分上下牀不及君家好兄弟
對摩石墨共秋堂

溫如

頃篋高韻已無倫一室調琴別有春知汝勘碑得清暇
檢書還對鬪茶人

次答彭醇士北望

軟紅城闕雜兵埃北望知君意最哀是處積薪仍厝火
有人落實更亡材金陵王氣今殊昔溟渤頽波去不回
腐鼠尙餘滋味在鵝鷓高舉漫相猜

暑夜

暗坐樓窗取夕涼今年結夏在胡牀蠨蛸入戶疑窺客
熠燿流空競作光夜靜轉憐人語躁身閒微惜市聲忙
潛夫老去心無暑科跣看天或未狂

廬山絕句

身是明明月來穿黯黯雲讀書頭已白持此傲匡君初入

廬山 杜詩匡山讀
書處頭白好歸來

人與山無素憐渠盡意攀道人腰腳懶偃蹇甚青山蘇東

坡廬山詩青山若
無素偃蹇不相親

舊是放菴宅前溪今結廬枯吟主忘客斲枕我忘吾榻下

吳達泉大林衝寓
齋林詒書故宅也

人與巖霏靜詩隨盾墨飛二豪俱好我相對憺忘歸蒼荀

精舍訪曹纒
衡彭醇士

又見新桃長誰憐舊逕荒不須懷白傅身世是劉郎花逕

溫如

為白香山

詠桃花處

咫尺大林寺時聞僧轉經衆生正顛倒象教亦沉冥
寺

詞人磨厓書榜亭亭已圯我來掉臂游無嗔亦無喜
歡

亭三字顧梁汾磨厓書也

不見白鶴觀唯餘五老峯世人重年少山我兩龍鍾
老五峯

絕頂有何好風高路亦危平生師孟子過眼幾巍巍
望漢

陽峯峯為匡廬絕頂

歸思妨游履隨緣亦任天廬山豈識我夢落九江船
歸舟

意有未盡復爲六言六絕句

隨一筍將度水挈雙不借尋山莫笑老夫觸熱本來泉

石相關

詩面匡山共皴客心江水俱東消受千峯過雨探支八

月涼風

慧遠待誰作傳徐凝先我題詩南山二勝猶在東坡百

世之師

東坡游廬山以名勝過多作南山二勝詩遂爲諸家游詩之冠

派裏人人入社秋來處處聞樾不用晦堂饒舌先教陶

令攢眉

敷淺原如廣武香爐峯類終南我自山頭長歎看人捷

溫如

徑爭探

將軍揖客接踵節度開門黜頤天下久無健者墓中寧
有可兒

贈熊天翼時有修復白鹿洞講學之議

心折匡廬最上層有人冠劍對峻嶒投壺今見祭征虜
琢句清於王右丞收拾山河仗儒將商量綿蕝待中興
草間狐兔煩秋獮正擬從君學臂鷹

吳達泉五十生日有詩次和

我亦初經始滿時輸君何止鬢成絲目營四海心無累
足繭千山步轉遲詩健不言衰與懶酒悲中有點兼癡

松風自愛陶弘景干莫藏鋒世已知

拔可歸自莫干山攜山泉見惠有詩和答

身窮不澤讀書吻官退全無調水符嶺路一甌勞轉餉
雪湯千沸待生珠故人病渴詩仍健昨歲分泉味不殊
急就風廊張客座好烹建茗滌時壺

以時大彬壺
烹茗飲客

九日金陵埽葉樓有登高之集余不克赴分得雄

字

了事癡兒近已翁閉門留眼看霜紅清尊又負重陽約
破帽長依一畝宮諸子真游餘涕淚神州前路付苓通
何時強起登嵩華待與鍾山角長雄

溫如

金陵雜詩十四絕句

依然秋鬢石城東
廿載重來我已翁
欲喚騎兵無覓處

籬門誰不拜蕭公

朝陽門 癸丑居金陵匝月今廿年矣

誌公禪塔冠南朝
遺蛻終遷帝力驕
佛子人王兩銷歇

當時陵闕亦岩堯

誌公塔

靈谷流雲接定林
無人知我入山心
最憐白下騎驢叟

志業難行直到今

靈谷

平生心折蔣山傭
傍豕誅茅獨效忠
今日孝陵柴已盡

更無高論出菰中

孝陵 顧亭林居孝陵旁號蔣山傭

劬學工文求闕齋
曾提一旅定江淮
眼中羣盜何時息

天保城南辨劫灰天保城

渤碣河山一半輸淺濠單舸着吾徒盧生已醉矜豪語

準備他年主此湖玄武湖 與盧冀野李碩 截黃哲維泛舟述冀野語

相公微意厭榛菅樓榜堂堂與世看人境昏霾吾漸老

憂來攜客一憑欄豁蒙樓 張文襄取杜 詩憂來豁蒙蔽句榜之

避兵張孔算完人智井猶留舊日春楊氏諸姨翻笑汝

未妨歌舞閱胡塵臙脂井

捨宅曾聞榜報寧祇今病馬溷階庭衆生與佛何差別

卻誦公詩洗聽熒半山寺 寺廢為廐衆生不異佛佛 即是衆生荆公題半山寺壁間句也

高風無復蒲葵筴舊迹惟餘草樹岡能解爭墩見懷抱

溫如

淺人何用測糴郎

謝公墩

折節爲儒勇者徒山堂垂圯見規模羣兒自貴矜身手

翻笑先生好讀書

周處讀書臺

廢圃菘田路未諳十年長夢冶城南孤飄身世汪容甫

未忍經行孔雀菴

欲尋馬守真故居不果

坊曲凋疎剩酒家秦淮何處賞秋花癡兒那解承平世

十四樓中盡狹邪

秦淮酒集

百無一用是書生老作青溪勃窣行容我高眠免行酒

一籌聊勝鄭康成

旅宿

焦山觀 先退庵公所贖楊文襄公玉帶哲維有

詩見及次和

車行雨益零我來自昇州撲面得三山屹立真吾儔孝

然所棲巖環以長江流單椒不能沈我往從之浮言尋

佳處庵石好竹亦稠江聲不違人雨止山更幽儀徵遠

莫追番禺逝難求謂阮文達及梁節庵章服被焦生吾為隱者羞

劍南有舊題石罅生琳瑯憐渠南渡人字擬華陽道胡

烽仍漲天戰艦殊未修吾儕早哀郢終擬從潛蚪劍南題名

有烽火未息望風檣戰艦在烟靄間山僧知客悲勝事

慨然盡醉語蓋南宋孝宗二年也勤見搜玉帶今告存圖失吾所憂惟餘題篋書筆力迴

萬牛先退庵公官蘇藩時嘗贖楊文襄公玉帶還之焦山並作焦山還帶圖卷徵同人歌詠付寺中詩僧

溫如

借庵守之今帶存而圖
失惟帶篋有公題字耳
君詩譽嘉樹我意傷藏舟終當
求故圖永鎮滄浪洲

龔懷西師命題錢譜

封演名空著洪遵志頗疎時無振華癖誰問道周書程
華同時有胡道周者著續泉志厲樊樊榭工爲記宜泉
榭爲作序詳釋宋時銅牌省字之義拓作圖吾師能媚古刀布十年儲

林文忠公致朱椒堂侍郎手札象甫屬題

名臣緘札論河漕謀國公忠見亦高穀賤傷農有今日
秉鈞誰更念民勞

侍郎名德比文忠遺簡多君出袖中我與兩家皆世舊

強書紙尾愧高風

海天夢月圖二十年前象甫悼亡姬所作也屬題

舊月流空夢化烟玉簫靈感在人天韋郎未老休惆悵

屈指香消二十年

癯儒秋鬢懶尋春不見吳閭挾瑟人宜有詞仙歌楚些

為君天上喚真真卷中有朱古微鄭大鶴所題詞句今二君皆古人矣

吳敬臣屬題畫卷

大帽長鞭吉莫鞞順康文物付頽波閒藩自守間平業

應教人圖敕勒歌當日軍容類蒐獮祇今黔首裂山河

展觀未敢深評泊欲起先民問止戈畫中皆清初冠服軍容甚武疑藩邸

溫如

畫師應教
之作也

爲李木公題肥遯廬圖

夙聞朱晦翁筮易乃得遯先生占上九遯世卻無悶故
鄉不可歸日歸寧待勸言從春申老一默叢千恨時移
桑變海春去花落溷剛危柔浸長亂象映方寸一椽聊
託命六合何用論知君工爲文道在言益遯牀塵書數
帙我意同虞愿何以顏吾廬吾將取諸良

十一月十八日紀夢

夜夢肄習左氏傳母前諷讀猶兒時呼之背誦不上口
母怒夏楚勞交施兒書未熟色未霽恐母鬱久傷肝脾

率然長跪請息怒誓將力學邀垂慈手持書卷默自訟
昔何穎悟今何癡私憐婚宦奪智慧又似壯歲居京師
屏營未竟忽驚覺春暉何在窗有曦強尋殘夢不可續
枕函浸淚知者誰兒年志學始失父母氏忍死逢百罹
聞兒書聲輒歡喜未問餅罄晨無糜嗟哉母沒又九載
霧花入眼霜上髭高談大睨不悅學欲記經訓多然疑
靈來自天警吾惰何啻面命兼耳提翻憐此夢不常有
夢如可券吾何悲秀才家世一經在余家自太高祖以
上十五世皆爲諸
生紀文達嘗以書香世業
旌吾門至余已二十世
孤兒志業慈母知終當抱書
就先壟潛研舊學申烏私

溫如

題沈劍知畫蕉實

我愛昌黎說荔丹蕉黃從昔不登盤君家舊祖淇園長

卻借丹青事糾彈

余不食蕉實

題張默君鎖院寫經圖

生民疾苦資寫經儒術紛紜待甄士男兒有志不得兼
女子兼之自君始量才書偈一枝筆千佛之名榜中紙
秀才不第比沈淪拔汝九幽真妙喜東坡真慚日五色
天龍復見佛一指衆生成佛果何時宏願終償券諸此

題黃蔭亭瀛槎重泛圖卽送其赴歐洲

稱詩遙愧阮亭翁多子能文句更工大艚東來勤寄訊

談瀛終覺勝談龍
趙秋谷娶於孫王漁洋女甥也
蔭亭娶吾女甥故以為喻

大補... 龍... 談... 瀛... 終... 覺... 勝... 談... 龍...
也... 蔭... 亭... 娶... 吾... 女... 甥... 故... 以... 為... 喻...

溫... 水...

溫州市圖書館

